

Suliassat allaaserineqarnerat: Najugaqatigiiffiit

Imarisai	Allaaserineqarnera
1. Ikiorssiinermi inatsisitigut tunngavissaq sunaava?	Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq. Inuit innarluutillit najugaqarfimmik neqeroorfigineqartarnerat pillugu Namminersorlutik Oqartussat nalunaarutaat nr 19, 4 november 2019-imeersoq.
2. Ikiorssiinikkut kikkut pisariaqartitsinerat matussuserneqassava?	Najugaqatigiiffik inersimasunut innarluutilinnut ulloq unnuarlu immikkut isumassorneqarnissamik paaqqutarineqarnissamillu pisariaqartitsisunut kiisalu allanik peqateqarnissamik kissaateqartunut atuuppoq. Ikiorssiinermi siunertarineqarpoq innarluutillit inersimasut ataasiakkaat tarnikkut, timikkut inooqatigiinnermilu pissutsiminnik attassiinnarnissaannut, pitsanngortitsinissaannut aamma ineriartortitsinissaannut tapersersussallugit. Kajumissaarinermi aamma tapersersuinerup tamatumani pingaaruteqartup ilaagaa kinaassutsimik, imminut ataqqissutsimik inuunermilu nuannarisaqarnermik attassiinnarnissamut ineriartortitsinissamullu tapersersuissalluni, kiisalu inuit akornanniissinnaanermut, attaveqarsinnaanermut namminnerlu inuunerminni annerpaamik sunniuteqarsinnaanermut tapersersorneqarnissaq.
3. Ikiorssiinermi suna siunertaava?	Ikiorssiinermi siunertaavoq: - Innuttaasup tarnikkut, timikkut inooqatigiinnermilu piginnaasaanik attassiinnarnissaa pitsanngorsaanissaanullu kajumissaarissalluni tapersersuissallunilu, taamaaliornikkut innuttaasoq nammineq angerlarsimaffimminut nuussinnaaqqullugu immaqa ikorfartuisoqatigiinnit ikiorneqarluni - Innuttaasup nammineq inuunerminik nammineq kissaatigisani naapertorlugu ingerlatsisinnaaneranut kajumissaarineq - innuttaasumik kajumissaarissalluni inuunerup pitsaassusianik qaffassaajumalluni najukkami neqeroorutini allanik atuisarnissamut
4. Kina ikiorserneqarsinnaava?	Inersimasut innarluutillit timikkut tarnikkulluunniit annertuumik piginnaanikillisimasut najugaqarfittut neqeroorummik pisariaqartitsisut najugaqatigiiffimmut innersuunneqarsinnaapput. Innuttaasoq najugaqatigiiffimmi inissamik neqeroorfigineqarsinnaavoq, pissutsit imaattut atuuppata: - Innuttaasup timikkut tarnikkulluunniit annertuumik piginnaanikillisimasoq - Innuttaasoq utoqqalinersianik pissarsisinnaanermut inatsisit qaqugukkulluunniit atuuttut naapertorlugit ukiussarititaasut inorlugit ukioqarpat

	• Innuttaasoq immikkut kajumissaartariaqarpoq, tapersersortariaqarluni, ikiorneqarluni isumassorneqartariaqarlunilu • Innuttaasoq ulloq unnuarlu nakutigineqanngitsumi imminut paarisinnaavoq • Innuttaasup pisariaqartippaa aammali nukissaqartillugu ataqtigiiffimmi ilanngunnissani najugaqatigiiffimmilu sammisani peqataanissani
5. Ikiorsermi suliat suut ilanngunneqarsinnaappat?	Ataasiakkaat pisariaqartitaannik nalilersuereerluni tapersersuinerimik, ikiuunnernik aamma ilitersuinerimik ikiorsiisoqassaaq soorlu ukuninnga: <u>Suliassatigut ikiorserneqarneq</u> • Inuttut eqqiluisaarneq pissusilersornerlu • Ullup qanoq ingerlanissaata aqqissuunna • Missingersuusiormut, missingersuutitut konto, PBS, qarasaasiakku aningaaserivimmi kontunut il il ikiunneq. • Allakkanik atuffassineq • Nakorsaatiniq aqutsineq / nakorsaatitorneq • Nakorsiartarfimmut, Najukkami tarnip nakorsaqaarfianut pisortallu allaffeqarfiinut allanut attaveqarneq • Nutaamik initaarneq inissikkiartuaarnerlu <u>Suliamut piginnaasanik sungiusarneq</u> • Eqqiaaneq • Ulluinnarni atugassanik niuerniarneq • Nerisaqarnermut ilitersorneqarneq ingerlaavartoq <u>Sammisat ikorfartuutaasut nalinginnaasut</u> • Siunnersorneqarluni ilitersorneqarlunilu oqaloqatigiinnerit • Nammineq nukissanik ineriartortitsineq aamma taarsiutaasussanut pilersaarutit atulersinneqarnerat • Piginnaasat pioreersut nutartertarnissaat nukittorsartarnissaallu • Innuttaasut sammisaqartinneqarnerini, kulturikkut timersornikkullu pikialaartitsisoqarnerani ingiaqateqartinneqarneq • Nikittarsinnaanermut sungiusaneq aamma peqateqarneq perorsaanermit pisariaqartitsisoqarneranik naliliinikkut pisariaqarsorineqarpat • Pikkorissarnernut, ilinniartitaanernut suliffeqarnermullu peqataanissamut kajumissarineq Qanigisaasunut siunnersuinerimik ilitersuinermillu ingerlatsinernik ataasiakkaanik neqerooruteqartoqarsinnaavoq.
6. Ikiorsermi suliat suut ilaangillat?	Tulliuttunut tapersiisoqarneq ajorpoq: • Angerlarsimaffimmi ikiorteqarneq • Oqilisaassineq • Sungiusaqqinneq • Nalileereerluni katsorsaanermik iliutsit • Nakorsaatiniq annertussusiliinerit

	Innuttaasup aningaasaqarneranik isumaginninneq
7. Ikiorssiissut qanoq annertutigiva?	Ikiorssiissutip imaraa: - Isumaginninnermi perorsaasumit ikiorneqarneq isumassorneqarnerlu - Peqateqarnissamut sammisaqarnermullu periarfissaqartitsineq - Najugaqaqatigiiffimmi ineeqqamik 1 tunineqarneq Najugaqaqatigiiffik innuttasup namminerisamik angerlarsimaffiatut isigineqassaaq. Sullissinerup qanoq annertutiginissaanik aalajangiinnermi inunnik ataasiakkaanik naliliineq apeqqutaasarpog, tassa suliaassat nammineerluni isumagisinnaanngisai aallaavigalugit, aamma sullissinerit allat inuup taassuma pisartagai eqqarsaatigalugit. OCN-imik periutsit aamma sakkussat aallaavigalugit sulisoqarsinnaavoq, kiisalu perorsaanermi periusissat innuttaasunut ataasiakkaanut pissutsini aalajangersimasuni iluaqutaasussatut naatsorsuutigisat atorlugit. Saniatigut ilaatigut Majoriaq suleqatigineqarpoq aamma sammisaqarneq peqatigiinnermullu neqeroorutit ilinniarnermut, suliffeqarnermut sammisaqarnermullu attuumassuteqartut suleqatigineqarput.
8. Ikiorssiineq qanoq akeqarpa?	Innuttaasog qaammatit tamaasa ineqarnermut nerisanullu akiliisarpog, akigititat atuuttut naapertorlugit.
9. Kina tulleriiaarinermut pisinnaatitaava?	Innarluutilinnut aamma Tarnikkut nappaatilinnut tulleriiaarisartut.
10. Kina ikiorssiinermik tunniussisuaa?	Innarluutilinnut aamma Tarnikkut nappaatilinnut tulleriiaarisartut, Isumaginninnermut Suliffissaqarnermullu Ingerlatsivik.
11. Sullissisup piginnaasaanut piumasaqaatit?	Sulisut tassaasinnaapput isumaginninnermut aamma peqqinnissamut assistentit, perorsaasut inuit assingusumik isumaginninnermut ilinniagallit imaluunniit ilinniagaqarsimanngitsut. Sulisup immikkut ilisimasai ikiorssiissummik pisartullu pisariaqartitaasa akornanni imminnut ataqatigeeqqissaarput aamma innuttaasup pisariaqartitaanut katitigaasunut suliamut ilinniagaq tulluurtuuvog perorsaaneq aamma timimik sungiusaaneq, ilitersuineq, tapersersuineq, paaqqutarinninneq isumassuinerlu eqqarsaatigalugit. Innuttaasup nappaataata pingaarnernu suunera apeqqutaatinnagu suliamik ingerlatsisup suliaassani naammassisinnaagaa naatsorsuutigineqarpoq.
12. Ikiorssiineq qanoq malitseqartinneqartarpa?	Najugaqaqatigiiffimmi sulisut ukiumut killiffiit pillugit nalunaarusiornermut akisussaasuupput. Taanna iliuusissatut pilersaarummik nalileeqqinneq siunertaralugu suliarineqartarpoq, saniatigut innuttaasumut ineriartortitsinermut pilersaarutit suliarineqartuarput.

	Suliniuteqarneq ikiorsiinerlu siullermernit annertuumik nikingassuteqarpat iliuusissatut pilersaarut, tassaavoq pilersuisup innuttaasup sullissisuanut nalunaaruteqartussaaitaanera, ikiorsiissutitut aningaasaliissutigineqartup nutaamik nalilersuiffigineqarnissaa siunertaralugu.
13. Naammagittaalliuteqarnissamut ilitersuut	Ulloq aalajangiiffiusoq aallarnerfigalugu sap. akunnerisa arfinillit iluanni uunga naammagittaalliorsinnaavutit: Isumaginninnermi Naammagittaalliuteqartarfik Imaneq 29, 1. sal Postboks 689 3900 Nuuk Ulluinnarni nal. 10:00-15:00 E-mail: maalaarut@nanoq.gl Oqarasuaat: (+299) 328033 www.sullissivik.gl